

সারাদেশ

ফটিকছড়িতে বৃহস্পতিবার সকাল-সন্ধ্যা হরতালের ডাক



প্রতিবেদক: নিজস্ব প্রতিবেদক

প্রকাশের তারিখ: বুধবার, ১৫ জুলাই ২০২৬, ০৮:৪২ PM



নবগঠিত ফটিকছড়ি উত্তর উপজেলার সদর দপ্তর জনসাধারণের জন্য সহজ যোগাযোগযোগ্য ও ভৌগোলিকভাবে সুবিধাজনক স্থানে স্থাপনের দাবিতে আন্দোলন চলছে। এর অংশ হিসেবে আগামীকাল বৃহস্পতিবার (১৬ জুলাই) সকাল-সন্ধ্যা হরতালের ডাক দিয়েছে ফটিকছড়ি উত্তর উপজেলা সচেতন নাগরিক ফোরাম।

বুধবার (১৫ জুলাই) সংগঠনটির নেতারা এ কর্মসূচির ঘোষণা দেন। তারা জানান, দাবি আদায় না হওয়া পর্যন্ত শান্তিপূর্ণ আন্দোলন অব্যাহত থাকবে। হরতালের সময় যানবাহন চলাচল বন্ধ রেখে গুরুত্বপূর্ণ সড়কে অবস্থান, গণসংযোগ ও প্রতিবাদ কর্মসূচি পালনের প্রস্তুতি নেওয়া হয়েছে।

আন্দোলনকারীদের অভিযোগ, বর্তমানে প্রস্তাবিত স্থানে উপজেলা সদর দপ্তর স্থাপন করা হলে উত্তর ফটিকছড়ির অধিকাংশ ইউনিয়নের বাসিন্দাদের প্রশাসনিক সেবা নিতে দীর্ঘ পথ অতিক্রম করতে হবে। এতে সাধারণ মানুষের সময়, অর্থ ও ভোগান্তি বাড়বে।

তাদের দাবি, গণশুনানিতে স্থানীয় মানুষের মতামতকে গুরুত্ব দিয়ে সব ইউনিয়নের বাসিন্দাদের জন্য সহজে যাতায়াতযোগ্য ও ভৌগোলিকভাবে মধ্যবর্তী স্থানে সদর দপ্তর স্থাপন করা হোক।

সদর দপ্তর স্থানান্তরের দাবিতে এর আগে মানববন্ধন, সড়ক অবরোধ, টায়ার জ্বালিয়ে বিক্ষোভ, স্মারকলিপি প্রদান এবং শিক্ষাপ্রতিষ্ঠানে ক্লাস-পরীক্ষা বর্জনসহ বিভিন্ন কর্মসূচি পালন করেছে সংগঠনটি।

এরই ধারাবাহিকতায় বুধবার সকালে ফেনী-খাগড়াছড়ি মহাসড়কের একটি অংশে টায়ার জ্বালিয়ে অবরোধ করেন আন্দোলনকারীরা। এতে প্রায় এক ঘণ্টা যান চলাচল বন্ধ থাকে। এসময় সড়কের দুই পাশে দীর্ঘ যানজট সৃষ্টি হয়।

ফটিকছড়ি উত্তর উপজেলা সচেতন নাগরিক ফোরামের নেতারা বলেন, নতুন উপজেলা গঠনের সিদ্ধান্তকে তারা স্বাগত জানিয়েছেন। তবে সদর দপ্তরের অবস্থান নির্ধারণে জনমতের প্রতিফলন হয়নি। তাই বিষয়টি পুনর্বিবেচনার জন্য সরকারের প্রতি আহ্বান জানানো হচ্ছে।

তারা বলেন, জনস্বার্থ ও প্রশাসনিক সুবিধার বিষয়টি বিবেচনায় নিয়ে যৌক্তিক স্থানে সদর দপ্তর নির্ধারণ করা হলে আন্দোলনের প্রয়োজন হবে না। সরকার দ্রুত এ বিষয়ে ইতিবাচক সিদ্ধান্ত নেবে বলে তারা আশা করছেন।

এ বিভাগের আরও খবর



বঙ্গোপসাগরে লঘুচাপ: ৪ সমুদ্রবন্দরে ৩ নম্বর সতর্ক সংকেত
বঙ্গোপসাগরে সৃষ্ট লঘুচাপের কারণে চট্টগ্রাম, কক্সবাজার, মোংলা ও পায়রা সমুদ্রবন্দরকে ৩ নম্বর স্থানীয় সতর্ক সংকেত দেখিয়ে যেতে বলা হচ্ছে আবহাওয়া অধি...



তুমি কে, আমি কে, ফার্মের মুরগি।। স্লোগানে মুখরিত বগুড়া
দুসুযোগপূর্ণ পরিহ্রিতর মধ্যে এইচএসসি পরীক্ষা নেওয়া, প্রপ্তের মান কঠিন হওয়া এবং পদার্থবিজ্ঞান পরীক্ষার আগে পর্যাপ্ত সময় না দেওয়ার অভিযোগে শ...



এইচএসসি পরীক্ষা পেছানোর দাবিতে রাজশাহীতে বিক্ষোভ পরীক্ষার্থীদের
বৈরী আবহাওয়ার কারণে এইচএসসি ও সমমানের পরীক্ষা পেছানোর দাবিতে রাজশাহী শিক্ষাবোর্ডে বিক্ষোভ করেছেন
পরীক্ষার্থীরা। মঙ্গলবার (১৪ জুলাই) দুপ...



ক্ষমা চেয়ে স্ট্যাটাস, কয়েক ঘণ্টা পর মিলল ছাত্রদল নেতার ঝুলন্ত লাশ
ফেসবুকে ক্ষমা চেয়ে একটি স্ট্যাটাস দেওয়ার কয়েক ঘণ্টা পর ময়মনসিংহের ফুলপুর উপজেলার ছাত্রদলের এক নেতার ঝুলন্ত
মরদেহ উদ্ধার করেছে পুলিশ।মঙ্গলবার...

Copyright Dhaka Probe

অনলাইন সংস্করণ পড়তে ভিজিট করুন: <https://www.dhakaprobe.com/saradesh/ftikchhrite-brihsptibar-skal-sndhja-hrtaler-dak>